

09 DEC 2000

DR MAHATHIR TIBA DI LANGKAWI UNTUK HADIRI MAJLIS BERBUKA PUASA

LANGKAWI, 9 Dis (Bernama) -- Perdana Menteri Datuk Seri Dr Mahathir Mohamad tiba di Lapangan Terbang Antarabangsa Langkawi, Padang Mat Sirat, di sini hari ini bagi menghadiri majlis berbuka puasa bersama-sama penduduk Kampung Gelam, Kedawang.

Ketibaan beliau disambut Menteri Besar Datuk Seri Syed Razak Syed Zain, anggota Parlimen Langkawi Datuk Abu Bakar Taib dan Pengurus Besar Lembaga Pembangunan Langkawi (Lada) Datuk Zainal Karib Abdul Rahim.

Sejurus tiba, Dr Mahathir diberi taklimat mengenai cadangan pengindahan dan pengubahsuaian Kompleks Pekan Rabu, Alor Setar, yang akan dimajukan dengan kemudahan hotel dan gedung membeli belah.

Taklimat itu disampaikan oleh Syed Tajul Ariff dari Azza Architectural and Planning Consultants.

Syed Tajul berkata projek itu, yang mengandungi tiga fasa, akan dimulakan secepat mungkin dengan kos RM13 juta termasuk membina pelantar di Sungai Raja yang terletak di sebelah kompleks itu sebagai dataran riadah.

-- BERNAMA

NH NAK